

Balkanska turneja Hillary Clinton



Hillary Clinton nešto prije ponoći doputovala u Sarajevo

Foto: A. KAJMOVIĆ

Reforme u domaćim rukama

● Državna tajnica SAD-a danas će u Sarajevu prisustvovati otvaranju nove zgrade američke ambasade ● SAD ostaju uz našu zemlju

Američka državna tajnica Hillary Clinton doputovala je sinoć u Bosnu i Hercegovinu. Državnički avion dotakao je pistu Međunarodnog aerodroma Sarajevo nekoliko minuta prije ponoći. Clinton se kratko zadržala na aerodromu. Dočekali su je ambasador SAD-a u našoj zemlji Patrick S. Moon i ministar vanjskih poslova BiH Sven Alkalaj te supruga ambasadora Danuta Moon, generalni sekretar Predsjedništva BiH Ranko Ninković, i članovi porodice američkog diplomate Roberta Frasurea, koji je poginuo 1995. na Igmanu dolazeći u misiju mira u BiH.

Funkcionalna država

Dok se avion sa Hillary Clinton približavao Sarajevu, ambasador Moon je podsjetio da je ovo njen prvi dolazak u BiH u svojstvu državne tajnice.

- No, ovdje je bila nekoliko puta prije toga kao američki senator, privatno kao građanin i kao prva dama Sjedinjenih Država. Ovo je njena prva stanica na putu u region Balkana. Mislim da je ovo vrlo uzbudljivo i jako dobro vrijeme da se obrati građanima Bosne i Hercegovine odmah nakon izbora, dok lideri BiH razgovaraju o koalicijama i formiranju vlasti, rekao je Moon.

Naglasio je da SAD ostaju veliki prijatelj BiH i da se državna tajnica Clinton želi obratiti građanima BiH i izabranim liderima "o tome kako mi možemo pomoći BiH da ide dalje putem ka evropskim integracijama".

Ministar Alkalaj, s kojim je državna tajnica Clinton razmijenila nekoliko rečenica po izlasku iz aviona, kazao je da je njen dolazak izuzetno značajan događaj za BiH.

- To je pokazatelj da će Amerika ostati angažovana u BiH i na Balkanu. Ovo će novoizabranom državnim rukovodstvu i drugim građanima u BiH dati jasan signal da će Amerika stajati iza BiH, kao što je stajala cijelo vrijeme, i da će je

podržavati na putu u euroatlantske integracije, rekao je Alkalaj.

Najavljeno je da će Clinton danas u Sarajevu prisustvovati ceremoniji otvaranja nove zgrade Ambasade SAD-a. Ona će se susresti i sa članovima Predsjedništva BiH Harisom Silajdžićem, Nebojšom Radmanovićem i Željkom Komšićem te novoizabranim članom Bakirom Izetbegovićem. Planiran je sastanak sa visokim predstavnikom Valentinom Inzkom. Boravak u našoj zemlji državna tajnica će iskoristiti i za razgovor sa studentima.

Istaknuto je da u Sarajevo ne donosi ni Washington 2 i ni Dayton 2. BiH mora postati funkcionalna država i za to joj je potrebna ustavna reforma. Međutim, na novim ustavnim rješenjima trebaju raditi političari kojima su, 3. oktobra, na općim izborima građani dali povjerenje.

Obaveza iz Tallinna

Clinton će podsjetiti političare u BiH i na njihove neispunjene obaveze. Ključna se odnosi na knjiženje 69 lokacija sa perspektivnom nepokretnom vojnom imovinom na državu, što je ovog aprila na neformalnom ministarskom sastanku u Tallinnu, kada je BiH primljena u Akcioni plan za članstvo u NATO (MAP), postavljeno kao uslov da bi u septembru mogla početi svoj prvi godišnji ciklus iz MAP-a. Unatoč pismu koje je u junu uputila tadašnjem predsjedavajućem Predsjedništva BiH Harisu Silajdžiću, nije došlo do pomaka. Premijer RS-a Milorad Dodik je odgovorio da se vojna imovina na teritoriji tog entiteta može samo ustupiti na korištenje državnim institucijama, dok je stav stranaka iz FBiH da 69 lokacija treba knjižiti na državu. Nažalost, to je dovelo do zastoja u napredovanju BiH prema NATO-u.

Američka državna tajnica će tokom dvodnevne turneje zemljama regiona, osim BiH, posjetiti još Srbiju i Kosovo. **Daniel OMERAGIĆ**

Povodom posjete državnog sekretara

Povratak izvo Washingtona

Prošle četiri godine pokazuju šta se dešava u dejtonskoj dejtonskih pravila: neumoljivo skretanje ka podjeli. A BiH



Piše: Kurt BASSUENER

Prvo dobre vijesti: građani Bosne i Hercegovine u velikom broju su glasali za političare i partije za koje vjeruju da mogu zemlju povesti naprijed, koji mogu napraviti opipljive promjene u svakodnevnom životu. Kandidati koji su odbili etničku polarizaciju kao platformu prošli su bolje od očekivanog, bez obzira na dominantnost takvih tema još od 2006. Postoji široko rasprostranjen potencijalni manifest za funkcioniranje drž-

ave, sa vladom koja će služiti građanima. Izgleda da će multietnička Socijaldemokratska partija (SDP BiH) imati najviše poslanika u Parlamentu BiH i da će pokušati formirati vladu.

Sad, loše vijesti: premijer Republike Srpske Milorad Dodik, koji je glavni faktor nestabilnosti države još od dolaska na vlast početkom 2006, i koji je novoizabrani predsjednik entiteta, zadržat će dominantnu poziciju u Narodnoj skupštini Republike Srpske. Njegov Savez nezavisnih socijaldemokrata (SNSD) zavjetovao se da neće ići u koaliciju sa SDP-om na državnim nivou. Druge konfiguracije su, pak, moguće. Ono što je sigurno jeste da će formiranje državne vlasti trajati mjesecima.

Posjeta državnog sekretara SAD-a Hillary Clinton odvija se u kritičnom momentu. Američka vizija, liderstvo i dugotrajna predanost ubrzanom stva-

ranju funkcionalnije BiH suštinski su kako bi se shvatili pozitivni potencijali izbora.

Međunarodna entropija

Međunarodna zajednica je podijeljena u pogledu šta da radi sa BiH i takvo stanje traje već neko vrijeme. Kao rezultat, političari u BiH i javnost su stekli dojam kako pravila više ne postoje - i da je sve moguće. Prošlogodišnji pokušaj da se prezentira zajednički front SAD - EU za ustavne promjene i ispunjenje 5+2 paketa za zatvaranje OHR-a u Butmiru shvaćen je kao očajnički akt slabosti, onaj zbog kojega je i Evropska unija unutar sebe podijeljena, a i u odnosu spram SAD-a.

U proteklu godinu, situacija se dodatno pogoršala, sada se otvoreno zagovara secesija RS-a i vuku potezi koji je ostvaruju. Američki angažman u prethodnu godinu je bio epizodan i nekonzistentan. Dok



AMERIČKA VIZIJA

Posjeta državnog sekretara SAD-a Hillary Clinton odvija se u kritičnom momentu. Američka vizija, liderstvo i dugotrajna predanost ubrzanom stvaranju funkcionalnije BiH suštinski su kako bi se shvatili pozitivni potencijali izbora

V I J E S T I

Općinski sud Zenica registrovao Krivaju 1884

Radnici se polako vraćaju na posao

Općinski sud u Zenici u ponedjeljak je odobrio upis u sudski registar privrednom društvu Krivaja 1884 d.o.o. Zavidovići. Ovim bi trebala biti okončana agonija dvije hiljade radnika Krivaje, ali i kompletnih Zavidovića, koji zavise od nekadašnjeg drvnog giganta.

Nakon što je Dom naroda federalnog Parlamenta, po hitnoj proceduri, usvojio prijedlog zakona o izmjenama i dopunama Zakona o privrednim društvima u FBiH, problemi oko zavidovičke Krivaje konačno su na putu da budu riješeni. Naime, pomenutom odlukom je omogućena sudska registracija novog privrednog društva, čiji su osnivači stara državna Krivaja i privatno zavidovičko preduzeće Ferimpex.

"Do sada se drugostepeni organ pozi-



vao na Zakon o privrednim društvima, član 60 stav 7. To je izmijenjeno i ne bi trebalo biti osporeno ovo rješenje o registraciji", kaže Vehbija Aličić, predsjednik Sindikata Krivaje 1884.

Dio radnika je već vraćen na posao, njih oko 500-600 iz pogona Pilana i Furnirnica dok se povratak preostalih radnika očekuje do kraja sedmice.

M. DAJIĆ